



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADONAČELNIK

**PRAVILNIK O IZMJENI I DOPUNI PRAVILNIKA
o platama, naknadama i drugim materijalnim pravima državnih službenika i namještenika u
organima uprave Grada Sarajeva i stručnim službama Grada Sarajeva**

Sarajevo, januar 2025. godine

Adresa: Hamdije Kreševljakovića 3
71 000 Sarajevo
Tel.: +387 33 407 443
Fax: +387 33 208 341
Email: grad@sarajevo.ba
Web: www.sarajevo.ba



Na osnovu člana 44. Zakona o platama i naknadama u organima vlasti Federacije Bosne i Hercegovine („Službene novine FBiH“, broj: 45/10, 111/12 i 20/17), Odluke o platama i naknadama u organima Grada Sarajeva („Službene novine Kantona Sarajevo“, broj: 4/23), Zakona o radu („Službene novine Federacije Bosne i Hercegovine“, broj: 26/16, 89/18 i 44/22), Kolektivnog ugovora za službenike organa uprave i sudske vlasti u Federaciji BiH i člana 79. stav (1) Statuta Grada Sarajeva („Službene novine Kantona Sarajevo“, broj 7/23), gradonačelnik Grada Sarajeva donosi:

**PRAVILNIK O IZMJENI I DOPUNI PRAVILNIKA
o platama, naknadama i drugim materijalnim pravima državnih službenika i namještenika u
organima uprave Grada Sarajeva i stručnim službama Grada Sarajeva**

POGLAVLJE I - OPĆE ODREDBE

Član 1.

(Predmet regulisanja)

U Pravilniku o platama, naknadama i drugim materijalnim pravima državnih službenika i namještenika u organima uprave Grada Sarajeva i stručnim službama Grada Sarajeva broj: 01/04-30-2284/23 od 27.02.2023. godine i broj: 01/04-30-2284-1/23 od 20.11.2023. godine u članu 20. dodaju se novi stavovi (2), (3) i (4) i isti glase:

„(2) U slučaju nastanka potrebe za obavljanje rada u neradne dane, noćnog rada i rada u dane državnih praznika, neposredno nadređeni rukovodilac izdaje pismeni nalog kojim se nalaže rada u neradne dane, noćni rad ili rad u dane državnih praznika.

(3) Sadržaj Naloga nalazi se u Anexu III ovog Pravilnika.

(4) Obračun naknade iz stava (1) ovog člana vrši se od osnovne plate bez dijela plate po osnovu penzijskog staža i čini sastavni dio plate.“

Stav (2) člana 20. postaje stav (5).

Član 2.

(Stupanje na snagu)

Ovaj Pravilnik stupa na snagu danom donošenja, a objavit će se na oglasnoj ploči i web stranici Grada Sarajeva.

Broj: 01/04-30-2284-2/23

Sarajevo, 31.01.2025. godine.



GRADONAČELNIK

Predrag Puharić

OBRAZLOŽENJE:

Pravni osnov:

Pravni osnov za donošenje Pravilnika sadržan je u odredbi člana 40. Zakona o platama i naknadama u organima vlasti Federacije Bosne i Hercegovine („Službene novine FBiH“, broj: 45/10,111/12 i 20/17) kojim je propisano da je rukovodilac organa državne službe dužan donijeti pravilnik o plaćama i naknadama u skladu sa odredbama Zakona o platama i naknadama u organima vlasti Federacije Bosne i Hercegovine, pravilnikom o unutrašnjoj organizaciji organa državne službe i propisom kojim se propisuju uslovi i postupak ostvarivanja naknada. Odlukom o platama i naknadama u organima Grada Sarajeva („Službene novine Kantona Sarajevo“, broj: 4/23), Zakonom o radu („Službene novine Federacije Bosne i Hercegovine“, broj: 26/16 i 89/18) i Kolektivnim ugovorom za službenike organa uprave i sudske vlasti u Federaciji BiH okvirno su uređene plate, naknade i druga materijalna primanja državnih službenika i namještenika.

Pravni osnov za donošenje Pravilnika sadržan je i u odredbi člana 79. Statuta Grada Sarajeva kojim je propisano da gradonačelnik u izvršavanju akata iz samoupravnog djelokruga Grada Sarajeva, donosi pravilnik kao provedbeni propis, uputstvo, instrukciju i naredbu kao opći akt, te odluke u slučajevima ovlaštenja iz akta više pravne snage, kao i pojedinačne akte koji se odnose na upravno rješavanje iz nadležnosti gradonačelnika, te rješava o pravima i dužnostima državnog službenika i namještenika iz radnog odnosa u skladu sa zakonom.

Razlozi donošenja:

Pravilnikom o platama, naknadama i drugim materijalnim pravima državnih službenika i namještenika u organima uprave Grada Sarajeva i stručnim službama Grada Sarajeva broj:01/04-30-2284/23 od 27.02.2023. godine predviđeno je da državni službenik i namještenik ima pravo na naknadu za obavljeni rad u neradne dane, noćni rad i rad u dane državnih praznika koji se obračunava tako da se svaki sat obavljenog rada uvećava za 50% što predstavlja omjer 1:1,5 (1 sat obavljenog rada=1 sat i 30 minuta redovnog rada).

Također je propisano da se naknada ostvaruje donošenjem rješenja u kome će biti precizno naznačena vrsta posla koji se obavlja i broj sati provedenih na tim poslovima.

Obzirom da navedenim aktom nije propisana procedura za davanje naloga za obavljanje rada u neradne dane, noćnog rada i rada u dane državnog praznika, pristupa se izmjeni Pravilnika na način da u slučaju nastanka potrebe za obavljanje rada u neradne dane, noćnog rada i rada u dane državnih praznika, neposredno nadređeni rukovodilac izdaje pismeni nalog kojim se nalaže rada u neradne dane, noćni rad i rad u dane državnih praznika uz prilagođavanje sadržaja Anexa II.

Finansijska sredstva:

Sredstva potrebna za realizaciju ovog Pravilnika obezbjeđuju se u Budžetu Grada Sarajeva.



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADSKA UPRAVA

Naziv službe:

Broj:

Datum:

Na osnovu člana 20. Pravilnika o platama, naknadama i drugim materijalnim pravima državnih službenika i namještenika u organima uprave Grada Sarajeva i stručnim službama Grada Sarajeva broj: 01/04-30-2284/23 od 27.02.2023. godine, broj: 01/04-30-2284/23 od 27.02.2023. godine i broj: 01/04-30-2284-1/23 od 20.11.2023. godine i broj: 01/04-30-2284-2/23 od 31.01.2025. godine, izdajem:

N A L O G

za obavljanje rada u neradne dane/noćnog rada/rada u dane državnog praznika

Nalaže se državnom službeniku/namješteniku _____, raspoređenom na radno mjesto _____, obavljanje rada u neradne dane/noćnog rada/rada u dane državnih praznika u svrhu _____.
Rad se nalaže za period _____ godine u trajanju od _____ sati.

Neposredno nadređeni rukovodilac

Datum i sat uručenja naloga:

Potpis državnog službenika i namještenika:

Evidencija trajanja rada	Potpis izdavaoca Naloga (zaključivanje Naloga)

Evidencija trajanja rada van definiranog perioda i razlozi za njegovo obavljanje	Potpis izdavaoca Naloga (zaključivanje Naloga)

ANEX III Pravilnika o platama, naknadama i drugim materijalnim pravima državnih službenika i namještenika u organima uprave Grada Sarajeva i stručnim službama gradonačelnice Grada Sarajeva broj: 01/04-30-2284/23 od 27.02.2023. godine, broj: 01/04-30-2284/23 od 27.02.2023. godine i broj: 01/04-30-2284-1/23 od 20.11.2023. godine i broj: 01/04-30-2284-2/23 od 31.01.2025. godine.

Adresa: Hamdije Kreševljakovića 3

71 000 Sarajevo

Tel.: +387 33 407 443

Fax: +387 33 208 341

Email: grad@sarajevo.ba

Web: www.sarajevo.ba

